

PAS NAMBA TRI YOHANE MENI GAENUA

*Yohane meni pas ei awa otao nuso zo zazo nuso
Gayas amire gaerua. Gainoise Gayas meni gera
bua mai awa kora waise senua. Ota ema Daiotrefe
amira pasina kerenumu gaerua.*

¹ O Gayas, na gitikopi zo meni pas ei awa nimore gainona. Ni otao naso me. Na me ni yaba inona.

² Duba niso neine itewia, da ago ine tama niso neine itaise, o bua niso dapikarago kei awero zamaise isa tona. ³ Ni ge me susure puro noise dipinowesa, awa otao mamai eni meni muro ge uge wetera niniro duba naso kokopai inoya. ⁴ Mai awiso naso meni ge me susure amira ebata patitnowera amira ge awa niniro duba naso meni yawa sara bamubake inoya awa.

Gayas meni Yesura bua mai eni kora wenua.

⁵ Otao naso, ni gita ge ninai ema enira benau kaka gamu, ata saineba ayamu niso nana kei awawera kora inowesa, are na bua niso gawena ewanana inowia. ⁶ Ema ami ego kei awero Tuara dubu amira nana benaura dumi pai nisora ge sero ni bowi wisera. Ema ami noko niso nana kei awara nukare Anutura bua mai asero koramakora wero iyetasa bayara te wamunoya. ⁷ Nera kota, nukare Yesura zazo de ike namu sero Tuara bua mai wero zebu nusokare doro digara wau moni kaka pumamu inowera, are kora wamunosa. ⁸ Nakai ge me soga wamu ema ago ine awa kora inoise soga wanisekai sai awa.

Daiotrefe nu ema iwo wenua.

⁹ Na ge zo Tuara dubure gaisena, ata Daiotrefe nu gitи kopi nusokare wamu towia ami ge nasokare azu towia awa. ¹⁰ Are na muro nuai nusora susu kerenumunona. Nu opи toise ge waya toise namorekare towia. A gege kota, otao mamai bayawera nune kaka kora wamu wawi eni meni kora wamu wawera azu towia. Azu toise esewa kora wamu towera nukare awa dubura nana ena esenitinowia.

Demetriore giwa te wenua.

¹¹ Otao naso, ni ema tani waya inowera awa oko ama ganase. Ema tani kokopai inowera awa ama ganeyo. Zo nu tani kokopai inoise nowia amira wai meni nu Anutura nana ena kei awenua awa kerenumunona. Ata zo nu tani waya inoise nowia amira wai meni nu Anutu kaka gamu inowia awa kerenumunona. ¹² Ema bama dapikarago meni Demetriora zazo de ike nitinowera awa. Ozana nu ge me saira mama ami dai zazo nuso de ike nitinowia. Nakare da ago nu bowi inowenakare. Ota ge nasokare me inoya awa gosinosa.

Tepo wai ge.

¹³ Ge dainiro itia, ata na pas emira gayamu oko kotupititonona. ¹⁴ Na eya niso nana mamu tona. Muro be meni ina-sa wero ninamuge tona. ¹⁵ Tuare dai noiyo. Otao mamai niso meni ni arenitinora. Nakare otao mamai nasokare arenitinonakare awa nukare da da amire se gare.

**TUA YESU KRISTORA OZIGA EWANANA
The New Testament in the Suena Language of Papua
New Guinea
Nupela Testamen long tokples Suena long Niugini**

copyright © 1978, 2011 Wycliffe Bible Translators, Inc.

Language: Suena

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files
dated 22 Nov 2019

37ac8ca1-3e79-506f-922b-bda1a01d9a50